



## O'ZBEKISTON RESPUBLIKASI PREZIDENTINING QARORI

2020 yil «9» апрель

№ПК-4667

### 2020–2022 йилларда Сурхондарё вилоятининг Денов тумани ва унинг марказини комплекс ижтимоий-иктисодий ривожлантириш тўғрисида

Бугунги кунда Республикаиз худудларида маҳаллий минерал хомашё ресурсларини чуқур қайта ишлаш асосида юқори қўшилган қийматга эга рақобатбардош экспортбоп маҳсулотлар ишлаб чиқаришни таъминлайдиган замонавий саноат корхоналарини ташкил этиш, худудларнинг ишлаб чиқариш салоҳиятидан самарали фойдаланиш учун инвестицияларни кенг жалб қилиш муҳим ўрин тутмоқда.

Тарихдан маълумки, ҳозирги Денов тумани худудида жойлашган қўхна Чагониён қадимги даврлардан буён йирик иктисодий-маданий марказ сифатида муҳим аҳамиятга эга бўлган. Бу ерда турли ҳалқлар ўртасида маданий-иктисодий алоқалар жадал ривожланган, савдо-сотик, ҳунармандчилик, дехқончилик ва чорвачилик маҳсулотларини ишлаб чиқариш кенг йўлга қўйилган.

Ўтган йиллар давомида Сурхондарё вилоятининг Денов туманини ижтимоий-иктисодий ривожлантириш борасида бир қатор ишлар амалга оширилган бўлса-да, аҳоли учун долзарб бўлган муаммоли масалалар тўлиқ ҳал этилмаяпти.

Вилоятнинг энг кўп аҳолиси истиқомат қилаётган Денов туманининг Бош режасига ўз вақтида урбанизация нуқтаи назардан ёндашилмаганлиги сабабли айрим йирик саноат корхоналари, дехқон ва буюм бозорлари туман маркази Денов шаҳрида жойлаштирилган. Натижада аҳоли энг гавжум бўладиган мазкур худудларга кириш ва чиқиш учун йўлларнинг торлиги, автомобиллар учун тўхташ жойлари ва инфратузилма тармоклари етарли эмаслиги жиддий муаммолар туғдирмоқда. Айниқса шаҳардаги дехқон бозори атрофи бутунлай издан чиқсан ва аҳолига жуда катта ноқулайликлар келтириб чиқармоқда.

Туманда ишлаб чиқаришни диверсификация қилиш, ер ва сув ресурсларидан самарали фойдаланиш, қулай агробизнес муҳитини ҳамда кооперация муносабатларини ривожлантириш борасидаги ишларни тизимли ташкил этиш талаб этилади.

Денов туманининг ишлаб чиқариш ва меҳнат салоҳиятидан оқилона фойдаланган ҳолда, худудда узок йиллар давомида шаклланган хунармандчилик ва тадбиркорлик, саноат, туризм, хизмат кўрсатиш ва аграп соҳани ривожлантириш, туман марказининг меъморий қиёфасини тубдан ўзгартириш, унинг тарихий қисмини реконструкция қилиш ва ободонлаштириш ишларини самарали ташкил этиш мақсадида:

**1. 2020–2022 йилларда Денов тумани ва унинг марказини комплекс ижтимоий-иктисодий ривожлантириш чора-тадбирлари дастурининг (кейинги ўринларда – Дастур) мақсадли параметрлари ва молиялаштириш манбалари 1-иловага мувофиқ тасдиқлансан.**

2. Дастурни амалга оширишнинг асосий устувор йўналишлари этиб қўйидагилар белгилансин:

**туманининг Бош режасини танқидий ўрганиб, йўл-транспорт инфратузилмаси, шоҳ кўчалар, кўп қаватли уйлар курилиши, истироҳат боғлари, сайилгоҳлар, замонавий савдо марказлари, инфратузилма объектлари ва саноат зоналарини жойлаштириш масалаларини муҳандислик тармоқлари билан биргаликда кўриб чиқиб, таклифларни тайёрлаш ҳамда яқин ва ўрта истиқболдаги шаҳарсозлик вазифаларини белгилаб олиш;**

**туман марказининг меъморий қиёфасини тубдан ўзгартириш, тарихий қисмини реконструкция қилиш, кўп қаватли уй-жой фондини сифат жиҳатдан яхшилаш, коммунал хизмат кўрсатиш тизимини янада такомиллаштириш;**

**аҳолининг иш билан бандлигини ошириш ҳамда ишсизлик даражасини пасайтириш мақсадида тадбиркорларни жалб этган ҳолда, саноат ва хизмат кўрсатиш соҳаларини, қишлоқ хўжалиги маҳсулотларини қайта ишлаш тармоғини жадал ривожлантириш;**

**саноат тармоқларини ривожлантириш учун тўғридан-тўғри хорижий инвестицияларни жалб этиш ҳажмларини кескин ошириш, маҳаллий хомашёдан экспортбоп маҳсулотлар ишлаб чиқаришни йўлга қўйиш орқали туман иқтисодиётiga валюта тушумини кўпайтириш борасида самарали ишларни ташкил этиш;**

**муҳандислик-коммуникация, хусусан, ичимлик сув ва канализация тармоқларини қуриш, автомобиль йўллари ва ички кўчалар ҳолатини яхшилаш, туман марказидаги массивларда замонавий тунги ёритиш ускуналари ва чироқларини ўрнатиш;**

**ички ва туманлараро йўналишларда ҳаракатланувчи жамоат транспортининг янги йўналишларини очиб, аҳолига сифатли ва қулай транспорт хизматлари кўрсатишни ташкил этиш;**

**олий таълим хизматлари кўрсатиш сифати ва кўламини кенгайтириш, замонавий техника ва технологияларнинг ривожланиш тенденцияларини ҳисобга олган ҳолда, тадбиркорлик, технологиялар, рақамли иқтисодиёт ҳамда меҳнат бозорида эҳтиёж юқори бўлган бошқа соҳалар бўйича юқори малакали кадрларни тайёрлаш;**

ижтимоий соҳа муассасалари ҳолатини яхшилаш, биноларини таъмирлаш, жиҳозларини янгилаш, худудларини ободонлаштириш, мутахассислар малакасини ва хизмат кўрсатиш маданиятини ошириш ҳамда бу соҳада хусусий сектор улушкини кўпайтириш;

замонавий тиббий хизмат кўрсатиш клиникалари ва ташхис марказларини барпо этиш;

**суғориладиган ерларнинг мелиоратив ҳолатини яхшилаш**, қишлоқ хўжалиги маҳсулотлари етиштиришни жадал ривожлантириш;

**солиқقا тортиш базасини кенгайтириш** орқали маҳаллий бюджетга даромадлар тушумини ошириш.

3. Ўзбекистон Республикаси Вазирлар Маҳкамаси бир ҳафта муддатда Дастурни амалга оширишнинг асосий устувор йўналишларини инобатга олган ҳолда, 2020-2022 йилларда Денов тумани ва унинг марказини комплекс ижтимоий-иктисодий ривожлантириш дастурининг мақсадли параметрлари ва молиялаштириш манбалари асосида **“2020–2022 йилларда Денов тумани ва унинг марказини комплекс ижтимоий-иктисодий ривожлантириш чора-тадбирларининг манзилли дастури”**ни ишлаб чиқиб, тасдиқласин.

4. 2020–2022 йилларда Сурхондарё вилоятининг Денов тумани ва унинг марказини комплекс ижтимоий-иктисодий ривожлантириш чора-тадбирлари дастурини амалга ошириш бўйича Республика ишчи гурӯҳи (кейинги ўринларда – Республика ишчи гурӯҳи) таркиби 2-илова мувофиқ тасдиқлансин.

Республика ишчи гурӯҳининг асосий вазифалари этиб қуидагилар белгилансин:

Дастур доирасида ҳар бир лойиҳанинг ўз муддатида ва сифатли амалга оширилишини масъул раҳбарлар иштирокида таъминлаш;

Дастур доирасида белгиланган **loyihalarning amalga oshiriliishi bуйича мониторинг олиб бориш**, лойиҳаларнинг ўз муддатида ва сифатли бажарилишига тўсқинлик қилувчи муаммоларни бартараф этиш юзасидан тезкор ва амалий чоралар кўриш;

Дастурга киритилган лойиҳаларнинг бажарилишини мунтазам равишда ҳар ойда бир марта Денов туманида, ҳар чоракда бир марта Республика даражасида муҳокама қилиб бориш ва муаммоли лойиҳалар ечими юзасидан зарур ва тезкор чора-тадбирларни амалга ошириш;

тумандаги **камбағалликка оид реал аҳволни ўрганиш**, камбағалликни қисқартириш ва бартараф этиш бўйича **зарур чора-тадбирларни белгилаш**;

Дастур доирасида тадбиркорлик субъектларига **инвестиция лойиҳаларини амалга ошириш** ҳамда Денов тумани ва унинг марказида шаҳарсозлик талаблари асосида **кўп қаватли уй-жойлар қушиш учун ажратиладиган ер майдонларини белгилаш**, туман марказини кенгайтириш билан боғлиқ масалаларни кўриб чиқиш;

заруратга кўра, лойиҳаларнинг қиймати ва иш ўринлари сонини сақлаб қолиш шарти билан ҳамда тайёрланган лойиҳа ҳужжатлари мавжуд бўлган тақдирда, Дастурнинг манзилли рўйхатига қўшимча ва ўзгартиришлар киритиши.

5. Дастурда белгиланган вазифаларни ўз вақтида ва сифатли бажариш, шу жумладан, туман марказининг меъморий қиёфасини тубдан ўзгартириш, йирик саноат корхоналарини туман марказидан ташқарига кўчириш ҳамда коммунал хизмат кўрсатиш тизимини янада такомиллаштириш мақсадида Денов тумани ҳокимлиги тузилмасида **Денов шаҳрини комплекс ривожлантириш масалалари бўйича ҳокимнинг биринчи ўринбосари лавозими жорий этилсин.**

Денов тумани ҳокимлиги бошқарув аппаратининг намунавий тузилмаси З-иловага мувофиқ тасдиқлансан.

6. Ўзбекистон Республикаси Курилиш вазирлиги Иқтисодий тараққиёт ва камбағалликни қисқартириш вазирлиги, Ер ресурслари, геодезия, картография ва давлат кадастри давлат қўмитаси, Сурхондарё вилояти ҳокимлиги билан биргаликда бир ой муддатда Денов туманининг Бош режасига мувофиқ туман марказида жойлашган дехқон бозори ва унинг атрофидаги хизмат кўрсатиш обьектларини амалдаги тартиб асосида куриладиган замонавий бозорга кўчириш билан боғлик ташкилий масалаларни ўрганиб чиқиб, Вазирлар Маҳкамасига асосланган таклиф киритсан.

7. Денов тумани ҳокимлиги Республика ишчи гурӯҳи билан келишган ҳолда, тадбиркорлик фаолиятини амалга ошириш, шу жумладан, савдо, ижтимоий-маиший хизмат кўрсатиш обьектларини қуриш ҳамда туман марказида шаҳарсозлик талаблари асосида кўп қаватли уй-жойлар қуриш учун ер участкасидан доимий фойдаланиш ҳуқуқини электрон онлайн-аукцион савдоларига чиқарилишини таъминласин.

8. Шундай тартиб ўрнатилсинки, унга мувофиқ Денов туманида ер участкасидан доимий фойдаланиш ҳуқуқини тадбиркорлик фаолиятини амалга ошириш учун электрон онлайн-аукцион орқали сотишдан тушадиган барча маблағлар (туман қурилиш бўлимининг банк ҳисоб рақамига тушадиган маблағлар бундан мустасно), истисно тариқасида, туман маҳаллий бюджетига Дастур доирасида Денов шаҳрида амалга ошириладиган инфратузилма лойиҳаларини молиялаштириш учун йўналтирилади.

### 9. Сурхондарё вилояти ҳокимлиги:

а) Ўзбекистон Республикаси Иқтисодий тараққиёт ва камбағалликни қисқартириш вазирлиги, Давлат активларини бошқариш агентлиги, Курилиш вазирлиги ва Молия вазирлиги билан биргаликда бир ой муддатда Денов марказидаги йирик саноат корхоналарини хатловдан ўтказсин ва хатлов натижаларига кўра, уларни зарур иқтисодий ҳисоб-китоблар асосида туман марказидан кўчириш масаласи бўйича Вазирлар Маҳкамасига таклиф киритсан;

б) Давлат активларини бошқариш агентлиги ва Курилиш вазирлиги билан биргаликда тадбиркорлик субъектларини жалб қилган ҳолда, Денов тумани марказидаги “Нурли манзил” маҳалласи ҳудудида жойлашган собиқ “Пиво-консерва ишлаб чиқариш заводи” бино ва иншоотлари ўрнида замонавий кўп қаватли уй-жойлар қуриш чораларини кўрсин;

в) Маданият вазирлиги ва Молия вазирлиги билан биргаликда келишилган лойиҳалар асосида Денов туманидаги “Хожа Алоуддин Аттор” меъморий обидасини таъмирлаш ва ободонлаштириш ҳамда “Сайд-Оталиқ” мадрасаси мажмуасини таъмирлаш-тиклаш ишларини амалга оширсин;

г) Курилиш вазирлиги ва Ўзбекистон Мусулмонлар идораси билан биргаликда тумандаги марказий жоме масжидини туман марказидан ташқариға кўчириш бўйича таклиф тайёрласин;

д) Транспорт вазирлиги хузуридаги Автомобиль йўллари қўмитаси, Иқтисодий тараққиёт ва камбағалликни қисқартириш вазирлиги, Молия вазирлиги билан биргаликда Денов шаҳрига кириш қисмида қурилаётган янги бозорга туташ ҳудудда шаҳарнинг Бош режасига асосан 4р-108 “Денов айланма йўли” ва М-41 “Бишкек-Термиз-Душанбе” автомобиль йўлини боғловчи темир йўл устидан ўтувчи ҳамда Денов тумани марказидаги “Гулистон” ва “Лолазор” маҳаллаларини боғловчи Қизилсув дарёси устидан ўтувчи янги кўприк қурилишини таъминласин;

е) Иқтисодий тараққиёт ва камбағалликни қисқартириш вазирлиги, Инвестициялар ва ташқи савдо вазирлиги билан биргаликда:

давлат бошқаруви органлари, хўжалик бирлашмалари ҳамда маҳаллий ижро этувчи ҳокимлик органлари томонидан Дастур доирасидаги чора-тадбирларнинг белгиланган муддатларда амалга оширилишини таҳлил қилиб борсин ва мувофиқлаштиурсин;

Дастурнинг барча параметрлари бажарилиши бўйича мониторинг олиб борилишини ташкил этсин ва ҳар ойда тизимли равишда муаммоли масалаларни кўриб чиқиб, уларни ҳал этиш юзасидан тезкор амалий чоралар кўрсинг;

ж) Дастур доирасида амалга оширилаётган ишлар юзасидан Республика Ишчи гурухига ахборот киритиб борсин.

10. Ўзбекистон Республикаси Бандлик ва меҳнат муносабатлари вазирлиги Сурхондарё вилояти ҳокимлиги, Иқтисодий тараққиёт ва камбағалликни қисқартириш вазирлиги, Давлат активларини бошқариш агентлиги билан биргаликда 2020 йил 1 сентябрга қадар Денов туманида мавжуд бўш турган бино ва иншоотлар негизида “Ишга марҳамат” мономаркази ва касбга тайёрлаш марказларини ташкил этиб, уларда биринчи навбатда ишсизлар ва камбағал оиласалар аъзоларининг тадбиркорлик асослари бўйича ҳамда касбга ўқитилишини таъминласин.

11. Ўзбекистон Республикаси Иқтисодий тараққиёт ва камбағалликни қисқартириш вазирлиги, Молия вазирлиги, Сурхондарё вилояти ҳокимлиги:

Давлат активларини бошқариш агентлиги билан биргаликда аҳолининг бандлигини таъминлаш мақсадида тадбиркорлик яхши ривожланган ва аҳоли зич жойлашган ҳудудлар атрофида қишлоқ хўжалиигига мўлжалланмаган ва бўш турган ер майдонларида 2020 йил 1 июляга қадар камида 3 та кичик саноат зонасини белгиланган тартибда ташкил этсин ва тегишли инфратузилма билан таъминласин;

Маҳалла ва оиласи қўллаб-қувватлаш вазирлиги ҳамда тегишли вазирлик ва идоралар билан биргаликда бир ой муддатда Денов туманинаги ўртача камбағаллик даражасига нисбатан ушбу қўрсаткич юқори бўлган маҳаллаларга алоҳида эътибор берган ҳолда, аҳолини фаол тадбиркорликка ва меҳнатга жалб қилиш асосида камбағалликдан чиқариш чора-тадбирлари режасини ишлаб чиқиб, унинг ижросини амалга оширсин;

Денов туманида ичимлик сув таъминотини яхшилаш, ички йўллар, мактабгача таълим ташкилотлари ва умумтаълим мактабларини қуриш, реконструкция қилиш ва таъмирлаш ҳамда кичик саноат зоналарига коммуникация тармоқларини ўтказиш мақсадида Инқирозга қарши курашиш жамғармаси ҳисобидан 50 млрд сўм маблағлар йўналтирилишини таъминласин.

12. Ўзбекистон Республикаси Туризмни ривожлантириш давлат қўмитаси ва Сурхондарё вилояти ҳокимлиги:

Қишлоқ хўжалиги вазирлиги билан биргаликда агротуризм йўналишини ривожлантириш мақсадида икки ой муддатда тумандаги мева-сабзавот маҳсулотларини етишириш ва қайта ишлаш билан шуғулланувчи фермер хўжаликлари ва кластерлар томонидан туристларни қабул қилишга мўлжалланган оилавий уйларини ташкил қилиш;

икки ой муддатда “Ўзбекистон туризм магистралি” туризм транспорт коридорида барпо этилаётган обьектлар лойиҳаси асосида туманда автомагистраль йўли бўйлаб туризм хизматларини йўлга қўйишини кўзда тутувчи йўлбўйи инфратузилма обьекти мажмуасини ташкил этиш чораларини кўрсин.

13. Ўзбекистон Республикаси Соғлиқни сақлаш вазирлиги Сурхондарё вилояти ҳокимлиги, Туризмни ривожлантириш давлат қўмитаси билан биргаликда уч ой муддатда Денов туманида тибиёт туризмини ривожлантириш мақсадида давлат-хусусий шериклик асосида маҳаллий аҳоли билан бир қаторда қўшни давлатлар фуқароларини қабул қилишга ихтисослашган диагностика маркази, стационар даволаниш, жойлаштириш воситалари, овқатланиш пунктлари, автотураргоҳ, дам олиш жойлари ва бошқаларни ўз ичига олувчи тибиёт комплексини ташкил қилиш чораларини кўрсин.

14. Ўзбекистон Республикаси Энергетика вазирлиги Уй-жой коммунал хизмат кўрсатиши вазирлиги, Сурхондарё вилояти ҳокимлиги билан биргаликда аҳолини электр энергияси, табиий ва суюлтирилган газ, ичимлик сув ва канализация тизими билан таъминлаш бўйича муҳандислик-коммуникация инфратузилмасини ривожлантириш, шунингдек, Дастур доирасида амалга ошириладиган инвестиция лойиҳалари асосида ишлаб чиқариш корхоналарининг муҳандислик-коммуникация тармоқларига ўз вақтида уланишини ҳамда уларга мавжуд ресурс ва техник имкониятлардан келиб чиқиб, талаб этиладиган табиий газ ва электр энергияси етказиб берилишини таъминлаш чораларини кўрсин.

15. Ўзбекистон Республикаси Иқтисодий тараққиёт ва камбағалликни қисқартириш вазирлиги, Молия вазирлиги ҳамда Инвестициялар ва ташки савдо вазирлиги Дастур доирасида амалга ошириладиган марказлаштирилган манбалар ҳисобига молиялаштирилладиган лойиҳаларни Ўзбекистон Республикасининг 2020–2022 йилги Инвестиция дастурининг 2020 йил учун тасдиқланган параметрлари доирасида амалга оширасин ҳамда келгуси йиллар учун асосий кўрсаткичларни аниқлаштириб ва янгилаб борган ҳолда, Инвестиция дастурини шакллантириш жараёнида инобатга олсин.

16. Сурхондарё вилояти ҳокимлиги:

тегишли давлат бошқаруви органлари, хўжалик бирлашмалари, тижорат банклари ҳамда лойиха ташаббускорлари билан биргаликда бир ой муддатда Дастурдаги кўрсаткичлардан келиб чиқсан ҳолда, тармоқ жадвалларини ишлаб чиқиб, тасдиқланишини;

Ўзбекистон Республикаси Транспорт вазирлиги ҳузуридаги Автомобиль йўллари қўмитаси билан биргаликда Денов тумани марказидаги Шароф Рашидов ва Мустақиллик кўчалари ёқасида белгиланган масофаларда шаҳарсозлик талаблари асосида замонавий “ақлли бекат”лар қурилишини;

ҳар чорак якунига кўра Дастурдаги тадбирларнинг ўз вақтида ва сифатли бажарилиши бўйича масъул ижроилар фаолиятининг натижадорлиги халқ депутатлари Сурхондарё вилояти ва Денов тумани Кенгашлари йиғилишларида муҳокама қилинишини ҳамда амалга оширилган ишлар тўғрисида Ўзбекистон Республикаси Президенти Администрациясига ахборот киритиб борилишини таъминласин;

манфаатдор вазирлик ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

17. Мазкур қарорнинг ижросини назорат қилиш Ўзбекистон Республикаси Президенти Администрацияси раҳбари З.Ш. Низомиддинов, Ўзбекистон Республикаси Бош вазирининг биринчи ўринbosари А.Ж. Раматов ва Сурхондарё вилояти ҳокими Т.А. Боболов зиммасига юклансин.

Ўзбекистон Республикаси  
Президенти



Ш. Мирзиёев

Тошкент шахри

**2020-2022 йилларда Денов тумани ва унинг марказини комплекс ижтимоий-иқтисодий ривожлантириш  
чора-тадбирлари дастурининг мақсадли параметрлари ва молиялаштириш манбалари**

Т/р	Тадбирлар номи	Лойиха сони	Жами маблагф, млн. сўм	молиялаштириш манбаи:								
				республика бюджети маблаглари, млн. сўм	маҳаллий бюджет маблаглари, млн. сўм	мақсадли жамғарма маблаглари, млн. сўм	тармок корхоналари маблаглари, млн. сўм	ташаббускорлар маблаги, млн. сўм	банк кредити, млн. сўм	хорижий кредит, минг долл.	хорижий инвестиция, минг долл.	халқаро молия институтлари маблаглари, минг долл.
	<b>Жами:</b>	<b>505</b>	<b>3 035 631</b>	<b>379 888</b>	<b>65 859</b>	<b>83 779</b>	<b>144 775</b>	<b>619 979</b>	<b>739 945</b>	<b>54 035</b>	<b>6 450</b>	<b>44 450</b>
I.	<b>Саноат, хизмат кўрсатиш ва кишлоқ хўжалиги соҳаларини ривожлантириш</b>	<b>147</b>	<b>1 433 839</b>					<b>468 783</b>	<b>390 449</b>	<b>54 035</b>	<b>6 450</b>	
1.	Саноат соҳаси	51	908 780					259 728	245 682	37 010	5 450	
2.	Хизмат кўрсатиш соҳаси	46	294 917					121 707	80 300	8 780	1 000	
3.	Кишлоқ хўжалиги соҳаси	50	230 142					87 348	64 467	8 245		
II.	<b>Муҳандислик-коммуникация тармокларини ривожлантириш</b>	<b>207</b>	<b>637 263</b>	<b>127 500</b>	<b>22 909</b>	<b>9 279</b>	<b>50 775</b>				<b>44 450</b>	
1.	Йўл-транспорт инфратузилмаси	67	414 950	127 500	12 450						28 650	
2.	Ичимлик сув таъминоти ва канализация тармоклари	11	171 538		10 459	9 279					15 800	
3.	Электр энергия таъминоти	105	13 880				13 880					
4.	Газ таъминоти	22	36 176				36 176					
5.	Ахборот-коммуникация технологиялари	2	719				719					
III.	<b>Ижтимоий соҳа объектларини куриш, таъмирлаш ва жихозлаш</b>	<b>84</b>	<b>294 441</b>	<b>227 099</b>	<b>12 850</b>	<b>24 500</b>		<b>14 996</b>	<b>14 996</b>			
1.	Мактабгача таълим ташкилотлари	51	81 212	47 370	3 850			14 996	14 996			

Т/р	Тадбирлар номи	Лойиха сони	Жами маблағ, млн. сўм	молиялаштириш манбаи:							
				республика бюджети маблағлари, млн. сўм	маҳаллий бюджет маблағлари, млн. сўм	максадли жамғарма маблағлари, млн. сўм	тармоқ корхоналари маблағлари, млн. сўм	ташаббускорлар маблағи, млн. сўм	банк кредити, млн. сўм	хорижий кредит, минг долл.	хорижий инвестиция, минг долл.
2.	Умумтаълим мактаблари	17	117 329	117 329							
3.	Соглиқни саклаш обьектлари	9	30 400	30 400							
4.	Жисмоний тарбия ва спорт обьектлари	4	41 000	32 000	9 000						
5.	Маданият обьектлари	3	24 500			24 500					
IV.	Курилиш, ободонлаштириш ва кўкаламзорлаштириш	47	565 440		23 240		71 500	136 200	334 500		
1.	Туман марказини ободонлаштириш	38	140 440		15 240		71 500	53 700			
2.	Кўп қаватли уй-жойлар куриш	4	417 000					82 500	334 500		
3.	Кўп қаватли уй-жойларда иситиш тизимини ташкил этиш	5	8 000		8 000						
V.	Ирригация ва мелиорация обьектларини реконструкция килиш, таъмирлаш ва тиклаш	8	18 289	16 289	2 000						
VI.	“Хавфсиз шаҳар” концепциясини амалга ошириш	7	36 360	9 000	4 860		22 500				
VII.	Инкиrozга қарши курашиш жамғармасидан амалга ошириладиган ишлар (ичимлик сув, ички йўл, мактаб, боғча, КСЗ коммуникацияси ва бошкагалар)	5*	50 000			50 000					

\*Изоҳ: Инкиrozга қарши курашиш жамғармасидан ажратиладиган маблағлар хисобидан амалга ошириладиган лойихалар сони Республика Ишчи гурухи томонидан аникланади.

Ўзбекистон Республикаси Президентининг  
2020 йил 9 апрелдаги ПҚ-4667-сон қарорига  
2-илова


**2020–2022 йилларда Сурхондарё вилоятининг Денов тумани  
ва унинг марказини комплекс ижтимоий-иктисодий ривожлантириш  
чора-тадбирлари дастурини амалга ошириш бўйича  
РЕСПУБЛИКА ИШЧИ ГУРУХИ ТАРКИБИ**

1. З.Ш. Низомиддинов – Ўзбекистон Республикаси Президенти  
Администрацияси раҳбари,  
*Республика ишчи гурӯҳи раҳбари*
2. А.Ж. Раматов – Ўзбекистон Республикаси Бош вазирининг  
биринчи ўринbosари,  
*Республика ишчи гурӯҳи раҳбари ўринbosари*
3. Т.А. Боболов – Сурхондарё вилояти ҳокими,  
*Республика ишчи гурӯҳи раҳбари ўринbosари*
4. Б.Э. Закиров – қурилиш вазири
5. М.Х. Салиев – уй-жой коммунал хизмат кўрсатиш вазири
6. Н.Б. Хусанов – бандлик ва меҳнат муносабатлари вазири
7. О.А. Назарбеков – маданият вазири
8. Ш. М. Содиқов – ахборот технологиялари ва коммуникацияларини  
ривожлантириш вазири
9. А.Ж. Ортиқов – иқтисодий тараққиёт ва камбағалликни  
қисқартириш вазирининг биринчи ўринbosари
10. Н.Қ. Холмуродов – инвестициялар ва ташқи савдо вазири ўринbosари
11. Ё.Э. Турсунов – молия вазири ўринbosари
12. С.С. Ходжаев – қишлоқ хўжалиги вазири ўринbosари
13. Д.Т. Дехқонов – транспорт вазири ўринbosари вазифасини  
бажарувчи
14. С.Х. Бекенов – Давлат активларини бошқариш агентлиги  
директори
15. А.А. Абдувалиев – Автомобиль йўллари қўмитаси раиси вазифасини  
бажарувчи
16. А.Х. Абдуллаев – “Давергеодезкадастр” қўмитаси раиси
17. А.И. Икрамов – Савдо-саноат палатаси раиси
18. У.М. Мустафоев – “Худудий электр тармоқлари” АЖ бошқаруви  
раиси

- 19. Б.Б. Эшмуратов – “Худудгазтаъминот” АЖ бошқаруви раиси
- 20. М.М. Юнусов – “Ўзэлтехсаноат” уюшмаси раиси
- 21. И.Ў. Хайдаров – “Ўзтўқимачиликсаноат” уюшмаси раиси
- 22. Б.К. Шарипов – “Ўзбекипаксаноат” уюшмаси раиси
- 23. Т.А. Жалилов – “Ўзбекозиқовқатхолдинг” ХК бошқаруви раиси
- 24. Н.Э. Нажимов – Боғдорчилик ва иссиқхона хўжалигини ривожлантириш агентлиги раҳбари
- 25. Қ.З. Хошимбеков – “Қишлоққурилишинвест” инжиниринг компанияси раиси
- 26. З.Ғ. Нарзуллаев – “Ўзшаҳар курилиш инвест” инжиниринг компанияси раиси
- 27. А.Қ. Мирсоатов – Миллий банк раиси
- 28. С.С. Аннакличев – “Ўзсаноатқурилишбанк” АТБ раиси
- 29. Н.Н. Сайдуллаев – “Асака банк” АТБ раиси
- 30. Ф.И. Саломов – АТ “Халқ банки” раиси
- 31. Ш.Х. Атабаев – “Ипотека-банк” АТИБ раиси
- 32. Р.Ў. Маматқулов – “Агробанк” АТБ раиси
- 33. О.А. Бўтаев – “Микрокредитбанк” АТБ раиси
- 34. Ч.С. Мирзаев – “Турон банк” АТБ раиси
- 35. К.Н. Ирисбекова – АТ “Алоқа банк” раиси
- 36. А.Б. Эшанқулов – “Қишлоқ курилиш банк” АТБ раисининг биринчи ўринбосари
- 37. Ш.А. Абидов – Вазирлар Маҳкамаси котибият мудири,  
*Республика ииҷи гурӯҳи котиби*

Ўзбекистон Республикаси Президентининг  
2020 йил 9 апрелдаги ПК-4667-сон қарорига  
3-илова

## Денов тумани ҳокимлиги бошқарув аппаратининг намунавий ТУЗИЛМАСИ



Бошқарув ходимларининг чекланган сони – **30** нафар

